



МКОУ «Левашинская гимназия.

Даргала
литературала гьаргси
дарс 7 класслизиб.

«Халкъла
мухІлила пагьму».

Дарс х1ядурбарибси дарган
мезла ва литературала учитель:
Мусалаева Мариям Мусалаевна

2017 г.

Тема:
«Халкъла мухлила пагъму».

Дарсла мурад:



ДурхӀни халкъла мухлила пагъмуличил тянишбарни; мез руркъниличи дурхӀнала иштӀхӀ акӀлахъни; дарган мезла дурсрачи, вегӀ акӀубти мер-мусаличи, гӀядатуначи, культураличи диги имцӀадарни; пикриличил ва чебетаахъили произведениеби дурахъес бурсибарни; гъай гъаладяхӀ ардукни .

Дарс гӀеббурцути ваяхӀ: миллатла палтар, буралаби ва багъирабала жуз, "Лачин"журнал, дурхӀнанала проектуни, плакат"Дигахъен ва руркъен нешла мез", проектла доска, проектор.



Дарсла план:

1. **Класс дарсличи хӀядурбарни.(Тема ва мурад аргъахъни).**
2. **Фронтальный опрос.**
3. **Сагаси тема. Халкъла пагъмуличил тянишбарни.**
4. **Физминутка.(ХӀяз дураберкӀни).**
5. **Рефлексия.**
6. **Хъули хӀянчи бедни.**

Дарсла башри.

Дарс бехӀбихъни, илала тема ва мурад аргъахъни.

Учитель: Ассаламу гӀялайкум, ахӀерти дурхӀни! ХӀурматла гӀяхӀли! БехӀбирхъула нушала даргала гумай - заманализи ва даргала ванзурбикадси архӀя. Гумай нушаб хала бегӀтачибад баибси саби, сабира нушала адамтас итхӀели радиора, телевизора, клубра, школара биубли буибси. Ишар сари илдани далути сагати хабурти, иргъути диуб-ардякъунтачила гъанбикуни ва багъахъниби, цализибад ца сегъуна-биалра санигӀятличира бурсибирули ишаб бири.

Пагъмучебтири нушала хала бегӀти. Халаси бири нушала рухӀласи давла, эгер декӀар-декӀарти исторический анцӀбукъани ил харабхӀебируси биалри. Гъалаб белкӀес -белчӀес балути адамти камли бири. БелкӀ-белчӀ бекӀлил агарси заманара бирусири. Амма илизибад аргъес асухӀебирар,итхӀели адамти селра хӀебалути, пикрихӀебикӀути сабри или . ГӀямрулизир касибти багъудлуми ва устадеш, чула пикруми ва къасани, хъулани ва умутуни цализи цали дурутири ва наслуличирад наслуличи мухӀлила гъуйчил дашутири . Ил тяхӀярли акӀубти халкъла хабурти, далуйти, буралаби ва багъираби миллатла бегӀлара халаси ва къиматчебси хазна саби.

Нушала дарсла мурадра саби халкъла мухІлила пагъмуличил тянишдиъни. ИшбархІи нушани ца камси архІя дурабуркІехІе, гъала-гъала – архІя заманала мурхъдешлизибяхІ, архІя - халкъла мухІлила пагъмулизи. ДехІдирхъехІе нушала хала бегІтала гІядатуначирад.

Ведущий 1.

Халкъла ургаб хаслира бахъал бири гъайла , далайла, делхъла, динда-чугурла гІяхІти устни. Илдани адамтала гІямру, хъулани ва къасани ункъли дали, илдачила далайлизиб ва хабарлизиб бархъли, дебали чебетаахъили бури. ХІебиалли, илдани сабри мухІлила пагъму алкІахъуси ва цахІнабирхъуси.

Лебилра барх :

Нушаб гІякълу бурили
ПасихІ гъунчи дуршахъес
ХІурхъиван хІянбиубти
Каммабаиб бухънаби.

Дурарухъунси рурси: (Эльмира)

БиштІаси миллатла камти вакилти,
Халал гІямру дуркІул дила дарганти.
ДучІасра хІушаб гІяхІ гІядатуни.

Халкъла мухІлила пагъмуличил тянишбарни.

Ведущий 1. Фольклор-англияла мезлизибад гІебасибси дев саби, илала мягІнара халкъла мухІлила пагъму, халкъла гІякълу ибси саби. Халкъла мухІлила пагъ акІубси саби адамти дунъяличиб акІниличиб барх, белкІла литература акІес гъалаб. Ил белкІхІебелкІунси халкъла история саби: мухІлила пагълизир нушани чедиулра хакъла пикруми, хъулани, илдала разити ва хумарти, къакъати гІямру, дурала улкнала гъармукабачил, давлачеб тачил дяви. КъантІли буралли: автор агарли, белкІхІебелкІи, мухІлили дурути, халкъли алкІхъути произведениебас мухІлила пагъму или бикІар.

Ведущий 2.

Замана хІясибли мухІлила пагъмула журабира дарсдикІутири. ЦадехІ хъумкартуртири, сагати алкІутири. ХІера, жяв замунтазир нушала хала бегІтани алавла тІабиГят ва тІаби-Гятла шуртІри мицІиртази хІисабдирутири, илди чула гІямрула бутІакъянчибази халди-рутири. Масала, дахъхІи заб агарли, ванза дегъбиубхІели, илди шила къакъурбази дура-булхъи. Чучи пикри бяхІчиахъес, белгиси тяхІярли хъярчира валкъаахъурли, далайбикІи.

Муслимат ва МяхІяммад (лебилра барх -гъай-гъай)

Агъ, зубарай, зубарай!

Гъай-гъай

Зубарлизи шин дикаб!

Гъай-гъай

Хъубзурала хъу дерхъаб!

Гъай-гъай

Дусли хІяйна духъули!

Гъай-гъай

БиштІати халабааб!

Гъай-гъай

Ризкъи дерхъаб къар дерхъаб!

Гъай-гъай

Маза мукъара дерхъаб!

Гъай-гъай

Марти узидеш дерхъаб!

Гъай-гъай

Шантала гІямру дерхъаб!

Гъай-гъай

Халатас гІямру дедаб!

Гъай-гъай

Ведущий 1.

Заб дахъдаили, авлахъличи хІянчила дурабухъес хІебирути хала бегІти тІабигІятла цІакъаначи ишкъяйда дугъабилзи:

Адай

Чумал дурхІя (ЗдурхІя някъбазир берхІила суратуначил);

Адай: Ва берхІи бакІ, берхІи бакІ,

Лебилра барх: Амин!

Адай : БерхІи бакІла кІатІа бяхІ!

Лебилра барх: Амин!

Адай: БерхІиличи хІерлира!

Лебилра барх: Амин!

Адай: ХІерейчи хІясратлира!

Лебилра барх: Амин!

Адай: Забла урши арука!

Лебилра барх: Амин!

Адай : БерхІи рурси сарука!

Лебилра барх: Амин!

Ведущий 2.

Дирихъ зумали чекабаибси, адамтас ил диргалабулхъули саби. Адамтани илисра далай бучІули саби.

ПатІимат

Эй, дирихъ! Эгъей, дирихъ!

Хъа гъалаб аждагъа хеб,

Хъунуй дурхІя варкъили,

Шантани хъямиркІули,

ХІу мехІуррив, хІу серив?

СелигІиб умцІусири?

Арбукъен, арбукъен къалабали!

Ведущий 1.

Хабурти халкъла мухІлила пагъла ца жура саби . Ил акІубси саби адамтала аслу акІниличил барх. Гъалар хабурти чилилра лукІути дуили ахІен. Илди наслузирад наслулизи дашули, дудешунани дурхІнази дурули, нушачи даибти сари. Хабуртазир гІядатли биубли, мискин халкъла къяянти гІямруличила, цІумъала, талихІчерти гІямруличичи хъул, зулмукартачибси халаси гъими, бархъдешгІебли дурабуркІуси дяви, ватІайчи диги чедаахъили дирар. Илдачирли сари гъарил миллатла халкъанала хабурти сари-урга мешудиркутира.

Учитель: **Сурат хІясибли халкъла хабар багъес.**

1) Ил хабар шантани аргъиб. Бухънабира багалабирничичи илди бирхаур. Илала гІергъи чІаплизиб бухънаби лайбикІнила гІядат убяхъиб.(ХІябал уршила дудеш)

2)-Гъари унци чинара?
БуцІа кадушили сар.

Буџи чинара гъати?
Гяйнир набчир херли сар. (Гиди)

3)-Гъанна хезибад наб берцуди агара ,
хурматла гурда. Асубиралли , хези ца
суал гес дигула. Ишбархи се бархи сабил,
багъес хебирула. -Арбяг бархи саби, арбяг!
-иб уктемли гурдали, мухли бягули гьаргбарили.

4) Левли уили сай дубутазив мискинси, амма дебали
пасихси адам. Илала лебал лебси давлара сунени
белкунси пасихти дугьбала жуз буили саби. Виштгал
уршила баркьуди дудешлис имцали гяхибизур, сенкун
илини сунела ванзаличила, сунела халкьличила
хьумартурли ахенри. Халати узбира тамашабахьубли,
дудешли пасихси жуз виштгал уршилис аманатбариб.

Сценка "Гиди" (Джаминат, Рустам)

- Ва Гиди, биштгал Гиди,
- Сен бисусири, Гиди?
- Сукьур Патимани наб
- Къакълизи къаркъа игьуб.
- Сен игьубара, Гиди?
- Мучилизи бякунра.
- Сен ху ила бякунри?
- Бахъ гушкабиубхели.
- Хьули букьядри, Гиди!
- Абала хъали цябли.
- Чирагъ алкадри, Гиди!
- Тулби цали игули.
- Ца абикьадри, Гиди!
- Някъби цали игули.
- Шин чертадлири, Гиди!
- Шин унцани держили.
- Гъари, унци чинара?
- Буца кадужиши сар.
- Буџи чинара, гъати?
- Гяйнир набчи херли сар.

Ведущий 2.

Гъарил адамла, дубурла, херкИла, урхула, шила , пачалихъла у бирар. Нушала улкала у пергерси ва хамси саби -Дагъистан! Илала мягИнара" дубуртар улка"саби. Ил нушала узити халкъанала тухумти мезаназиб дебали жагали ва уктемли зайбиклар! Хера ,се лукули.Газимбек БяхИядовли. «Даргантала гядат» (Саида, Аминка, Асият)

Ведущий 1.

Далай даргала халкъла мухИлила творчествола бегИлара тИнтИли кършибиркуси ва даргантас бегИлара дигибизурси жанр саби. ГИядатли биубли, далай белгиси макъамличил делчИес вирути дугьбала цахИнабик саби. УзухИелира, бамсриихъухИелира, шадхИелира, къакъавакИибхИелира, адамли далай бучИа. Илизиб сунела уркИилизибсиличила буру. Илбагъандан саби халкълис далай илкъяйда дебали дигахъуси.

Сайгибатли сири гардбарили, далай бучИа

Дахъал вавнала ургав,
Дила хИунтИена вава.
Усен хИела абас ват,
Абала хИунтИен вава.
Хала-халаваадли
Яслилизи калтари.
Гурра халаваадли
Школализи калтари.
Усен хИу дила ахИер,
Муръил гъанкИли усаби.
Дила дахъал хИегъурси.
Дусмала виштИал лачин.

Ведущий 2.

Халкъла пагъмула цархИилти жураби къяйда наслуличирад наслуличи дашули, дурхИни-ургар дузахъули, даибти сари нушачи хИязани. ИшбархИира сагати хИязани алкИули сари. Амма нушала хала бегИтани дузахъули калунти хъумартес асухИебирар, сенахИенну илдазир дубурлан дурхИнала гъар-урла гИямру чедиулра.

Ведущий 1.

ДурхИнас хИязани мурталра дигахъутири. Гъалар дучИес жузи, газетаби ва журналти, хИербикИес телевизорти ва кино, лехИирхъес радио ва магнитофонти, гъанналагъунти хИязла ваяхИ хИедири. Илбагъандан бамсриихъес, акъуси замана буркИес, цаличил ца абзбиркес хИязани дурадуркИутири. ДурхИнани саби хИербируси манзилличи ва мер-мусаличи хаста хИязани дузахъутири. ХИязла гИягИнихълумира чули дирутири. ХИязли дурхИнала гИямрулизи разидеш биху.

Физминутка.

Учитель: ХИяз дураберкИехИе " Мукеки, мукеки".

Къял, урчи, чИака, къяца, синка, адамла, тИентИ, бугъа, къача, Арслан, барткел, гурда, гИежа, дагъа, гамуш, хъисхъа, хя, жита, гежба.

Ведущий 2.

Бурала- къантИси, чебетаахъли халкъли буруси насихИят саби. Ил халкъла гъай жагадарес гъайлизиб бузахъу. Буралабазир лер халкъла пикруми, хъулани, илала история, гИякълу. Буралабазир далтИули дирар азгъиндеш, гапдиру хИянчи, гИяхИси хИянчизар. Буралабани адимти жибиру хъархИедикибти мезли хИебиркъахъес, секИал бурес гъалаб пикрибухъахъес.

Учитель: Гъари сегъунти буралаби даладая хИушани (дурхИнани дуру)

1. Гъабза убкIар, хабар кавлан.
2. Игит сунечила гапхIейкIар.
3. Бархъдеш бугаси тургъуна саби.
4. Бархъдеш къияндешуназибад уруххIекIар.
5. Бархъси гъуникад вашадли – дубуртачи айцIуд,
балкIаси гъуникад вашадли – къадализи каркуд.
6. Дахъал делчIунсини дахъал дала.
7. УчIес мурталра къанни хIебирар.
8. Адамли саби дунъя жагабируси.
9. Адам къаркъаличивра чIумасира сай, бамбаличивра кIантIисира сай.
10. Адам убкIар, у кавлан
11. Адамличи бихъибси игъдибарличиб дурхъаси секIал лебси ахIен.
12. Гъариллис сай акIубси мер гIяхIбилзан.
13. Адам сегъуна саял бузериличивли вала.
14. Дузути някъби гушхIедирар.

Ведущий 1.

Багъира халкъла мухIлила пагъмула къантIси ца жура саби...

Багъирабазиб багъес гIягIниси секIа бархъаначи бурули хIебирар. Илала мерличи багъес хIяжатси секIа лишанти гъандуршу . Илди гъандушибти дигIянати лишанти хIясибли нушани ил секIал багъес багъандан гIяхIти багъудлуми, пагъму диэс гIягIнили сари. Багъирабани нуша тянишдирулра халкъла гъар-урла гIямруличил, илдала бузерила шуртIрачил, техникаличил, мицIирагличил, илдала санигIятуначил.

Учитель: Даргая ишди багъирабас жавабти.

- | | |
|---|---|
| 1. Чебаэс хIейрар. Касес хIейрар , Ил агарли хIериэс хIейрар. | 7. Ца абала шел узи,amma мешути ахIен. |
| 2. Някъби агара,къяшми агара, Амма саби суратбикIар. | 8. БекI агара - къапIа леб, Дабри агара - къяш леб. |
| 3. СягIят ахIен замана буру. | 9. Авал дуцIдикIар, КIел чапIдикIар, Ца силтIбикIар. |
| 4. ЦIуба саби, амма чакар ахIен. Къяшми агара, амма башули саби. | 10. ХIунтIена шала - гъуни агара, БухъутIа - хIядурли вии, Шиниша шала - вашен гъалавахI. |
| 5. Яни белкъунси , дуцIрум гушси. | |
| 6. Лебилра шанти баргурли ,саби чIянкIли буан. | |

Ведущий 2. Сценка" Къиркъир"

- ХIела ца умуси тетрадь агарав, Ибрагъим ?
- Ца ахIенну, хIябал лер.
- Ца бихагу, жягIял чарбирисну.
- ХIелугас.
- Сен?
- Белики, ил наб гIягIнибикес.
- ГIягIнибикалли, хIела гIурра лерли ахIену , гъатIи?
- Лер диалли, дайхъала хIед лугутив?
- Баягъи ил цала мерлар жягIял хIед нуни кIел тетрадь гиша?
- ХIябал га!
- Къача бедибхIели разихIейубси, унц бедибхIелира разихIейрар.

Ведущий 2.

Гъарил шила саби бегІти лугъатунала дурабадра ,чула история,устадеш,гІядатуни, палтар, далуйти ва делхъ лерти сари.Илдазирад нуша цацадехІличил тянишдирехІе.

Уршби-рурсбани делхъ диру.

Ведущий 1.

Халаси пагъмуличил ва устадешличил цалядяхъибти,къайгъиличил ва дигиличил наслулизирад наслулизи гІердашули илди лерилра ишбархІира дузули ва гІинтІдикІули сари.

Ведущий 2. Сценка " Чилилра балхеІбала".

Учитель

КъантІли буралли халкъли лерилра чула гІямру чедиахъули сари . Халкъла мухІлила пагъму - адамтала гІямру сунезир чедиахъуси дяхІимцІала саби; белкІхІебелкІунси халкъла история саби. ХІязлис ахІенри Максим Горький "Халкъла мухІлила пагъму хІебалули халкъла гъарли - марси история багъес хІейрар" викІуси. Фольклорлизир лебилра халкъла гІякълу ва духудеш гъайла устадеш цахІнадикили дирар. Халкълайчиб багъуди я пагъму халаси чилра хІейрар.

Рефлексия.

Учитель: Молодцы ! ХІушаб дарс гІяхІбизуру? Се къиянбухъуна?

ИшбархІи дарсличиб лебилра ункъли бузи. Лебтасалра нуни шула къиматуни кадалтулра. АхІерти дурхІни, хІушанира хъуммартидая дарган мез. ГъайдикІеная нешла мезли. Илди хІедални вегІла игъбарагардеш саби.

Нешла мез – дурхъати мез сари, илди асес яра дицес хІейрар!

Дарган мез хІедалуси дарганра дарган ахІен! Дигахъена нушала нешла мез!

Хъули хІянчи бедни.

Учитель: Хъули хІянчи лерилра делчІунти тикрардарес.

Баркалла дакІибти гІяхІлас ва дила ахІерти дурхІнас! ГІяхІли калена!